

## Prvi set preliminarnih preporuka

Vezano za provođenje Strategije za reformu sektora pravde, Evropska komisija:

- Naglašava da Strategija za reformu sektora pravde uzima u obzir nadležnosti različitih institucija na državnom, entitetskom, kantonalnom nivou i nivou Brčko distrikta, i sadrži mnoga pitanja koja su relevantna za buduću evropsku integraciju Bosne i Hercegovine;
- Preporučuje da relevantne domaće vlasti procijene stanje njihove trenutne koordinacije i saradnje u provođenju Strategije za reformu sektora pravde. To se posebno odnosi na utvrđivanje nedostataka, njihovo blagovremeno rješavanje, a samim tim i oživljavanje provođenja strategije;
- U tom smislu, podstiče sve nadležne vlasti da garantuju aktivno, efikasno i konstruktivno učešće u radnim grupama i Tehničkom sekretarijatu za provođenje strategije;
- Podstiče sve relevantne vlasti i institucije da se uključe u konstruktivnu debatu u cilju utvrđivanja mjera koje mogu dalje unaprijediti nezavisnost, profesionalizam i odgovornost u cijelom sektoru;
- Naglašava značaj rješavanja problema neriješenih predmeta na efikasan i blagovremen način. U tom smislu, finalizirat će se, što je prije moguće, posebne zakonske mjere za rješavanje komunalnih predmeta, koje će se sistematski provesti, pri čemu će prioritet imati najugroženiji sudovi u zemlji. Takođe je potrebno razmotriti dodatne mjere kojima bi se sudovi rasteretili od predmeta koji mogu biti upućeni drugim institucijama (npr. notarima).

Vezano za provođenje Državne strategije za rad na predmetima ratnih zločina, Evropska komisija:

- Podstiče tužilaštva i sudove na svim nivoima da procesuiraju predmete ratnih zločina tako što će angažovati sve neophodne stručne i finansijske resurse u ostvarivanju tog cilja;
- Podstiče sve nadležne vlasti i institucije da upravljaju postupkom upućivanja predmeta ratnih zločina na ekspeditivan, objektivan i transparentan način;
- Podsjeća da regionalna saradnja predstavlja osnovni cilj za ujedinjenje perspektive članstva svih zemalja Zapadnog Balkana. Poboļšana regionalna saradnja bi trebala biti i funkcionalna kako bi se osiguralo da ni jedan ratni zločinac ne izbjegne pravdu;
- Podstiče sve relevantne vlasti da ojačaju napore u koordiniranju praksi o upotrebi primjenjivog zakona u predmetima ratnih zločina. Bit će garantovana dosljedna i koherentna praksa, koja u potpunosti poštuje relevantne principe Evropske konvencije o ljudskim pravima.

Vezano za koordinaciju nadležnosti, Evropska komisija:

- Podsjeća da je efikasna saradnja između pravosudnih organa i institucija neophodan preduslova za unapređenje vladavine prava;
- Naglašava značaj Visokog sudskog i tužilačkog vijeća u uspostavljanju vladavine prava. Pozdravlja tehničke diskusije u cilju dalje konsolidacije njegovih funkcija osiguravanjem odgovarajuće ravnoteže između nezavisnosti i odgovornosti;
- Podstiče Ministarstvo pravde BiH da osigura odgovarajući nastavak debate u ad hoc radnoj grupi koja je u marti 2008. godine finalizirala tehničko mišljenje o institucionalnoj reformi apelacionog sistema koji postoji na Sudu BiH;
- Preporučuje da sve relevantne vlasti jačaju napore kako bi što bolje procijenile mogućnost usklađivanja materijalnog i procesnog zakonodavstva (krivični i građanski zakoni, procesni zakoni) između entiteta, Brčko distrikta i državnog nivoa u cilju osiguravanja jednakosti građana pred zakonom.

Vežano za jednak pristup pravdi i maloljetničku pravdu, Evropska komisija:

- Poziva sve relevantne aktere da usvoje i usklade relevantne pravne okvire, u cilju osiguravanja jednakosti pred zakonom.

Vežano za budžetska pitanja, Evropska komisija:

- Je saglasna sa time da sudska nezavisnost i efikasnost sektora pravde ne može biti osigurana bez dovoljno finansijskih resursa. Taj novac treba dosljedno dodjeljivati kroz transparentno, dobro koordinirano i efikasno budžetsko planiranje.

Vežano za nastavak inauguralnog sastanka strukturalnog dijaloga, Evropska komisija:

- Podstiče sve relevantne vlasti da nastave debatu na osnovu ovih preporuka;
- Dostavit će se detaljan odgovor na zahtjev za tehničke informacije koji je komesar Štefan File uručio ministru pravde, gospodinu Bariši Čolaku na inauguralnoj ceremoniji strukturalnog dijaloga;
- Od svih nadležnih vlasti i institucija se očekuje da podrže proces dostavljanjem detaljnih relevantnih informacija i time garantuju da će rok određen za 31. august biti ispoštovan.